

ipsarum diversis de causis respondere minime tenebatur, tum quia mortuo mandatore expiraverat iam mandatum, tum etiam quia ultra duas dietas extra suam diocesim trahebatur in causam contra constitutionem concilii generalis, et quia dictus archiepiscopus has et alias exceptiones eius legitimas admittere recusabat, idem comes vocem ad nos appellationis emisit. Prefatus autem archiepiscopus ipsius appellatione contempta venerabili fratri nostro Traiectensi episcopo suis dedit litteris in mandatis, ut compositionem prefatam iusta quod ipse statuerat faceret per censuram ecclesiasticam firmiter observari. Postmodum vero iam dictus comes de Los appellationem frivolam mentiens antedictam ad abbatem sancti Huberti Leodiensis diocesis et collegas ipsius excommunicationis veritate tacita super hoc nostras litteras impetravit. Quare pro parte ipsius comitis Hollandie fuit nobis humiliter supplicatum, ut, cum idem cum terra et aliis bonis suis sub apostolice sedis protectione consistat utpote qui iam iter arripuit in subsidium terre sancte, non obstante excommunicatione, quam incurrerat cum nobili viro Ludovico, primo genito karissimi in Christo filii nostri Philippi, regis Francorum illustris, in Angliam transfretando, a qua ipsum duximus absolvendum, super hoc providere sibi misericorditer dignaremur. Nos igitur ex officio nostro eidem ab excommunicationis vinculo absoluto providere volentes discretionis vestre per apostolica scripta mandamus, quatinus, si res ita se habet, revocato in irritum, quicquid inveneritis post appellationem huiusmodi attemptatum, audiat causam et appellatione remota fine. de. ter. (fine debito terminetis) facientes etc. Alioquin partes ad priorum iudicium remittatis examen appellantis in expensis legitimis condemnantes. Testes autem etc. Quod si non omnes etc. duo vestrum etc.

Datum Ferentini X. kalendas Augusti pontificatus nostri anno primo (Reg. I, lib. I, ep. 507, fol. 124^v—125^r).

2) 7. Mai 1219¹. . . Salzburger archiepiscopo. — Dilecta in Christo filia nobilis mulier Theodora, ducissa Austrie, suam ad nos querimoniam destinavit, quod, dilecto filio nobili viro . . duce Austrie, viro eius cruce signato, in terre sancte subsidio laborante, in ecclesia de Secchowe, cuius idem advocatus existit, eius irrequisito assensu, qui debuit de iure requiri, episcopalem sedem statuisti de novo contra id, quod nobis suggesseras, quod videlicet in preiudicium ecclesie Romane ac ipsius ducis creatio episcopatus ipsius minime redundaret, ibidem pro tue voluntatis arbitrio episcopum ordinando, cui quasdam ecclesias, in quibus ipse ius obtinet presentandi, non

1) Vgl. Potthast, Reg. pontific., Nr. 6055; von Zahn, Urkundenb. des Herzogth. Steiermark II, 247—248, Nr. 164.